



PREGUNTAS FRECUENTES

1. Como debo presentar a solicitude para a avaliación previa á contratación de profesorado para as figuras de PCD, PUP e PAD?

As solicitudes deberán presentarse obrigatoriamente por vía electrónica, conforme co establecido no artigo 10.2 da Lei 4/2019, do 17 de xullo, de administración dixital de Galicia. A presentación electrónica da solicitude consta de dous pasos:

- a) Deberase cubrir na aplicación de ACSUG (<http://www.acsug.es/convocatorias-abertas>) o modelo normalizado de instancia (Anexo I) e xerar o correspondente PDF.
- b) Este PDF debe presentarse na sede electrónica da Xunta de Galicia (<https://sede.xunta.gal>). Para a presentación das solicitudes poderá empregarse calquera dos mecanismos de identificación e sinatura admitidos pola sede electrónica da Xunta de Galicia, incluído o sistema de usuario e clave Chave 365 (<https://sede.xunta.gal/chave365>).

2. Que documentación debo presentar no rexistro electrónico?

Na sede electrónica da Xunta de Galicia debe subirse a seguinte documentación:

- Anexo I (solicitude en pdf) xerada na aplicación informática da ACSUG (non vale outro modelo, salvo a xerada na ACSUG).
- Xustificante de pago das taxas, en función do número de figuras solicitadas.
- Unha copia, en formato dixital, da documentación xustificativa dos méritos curriculares alegados.
- No caso de denegar expresamente a autorización á ACSUG para a consulta dos seus datos no sistema de verificación de datos de identidade, de conformidade co disposto no Decreto 255/2008, de 23 de outubro (DOG do 13 de novembro) o solicitante deberá xuntar o documento acreditativo da identidade do solicitante (DNI ou equivalente) en formato dixital.
- No caso de denegar expresamente a autorización á ACSUG para a consulta do título de doutor no Ministerio de Educación, de conformidade co artigo 6.2.b) da Lei 11/2007, do 22 de xuño, de acceso electrónico dos cidadáns aos servizos públicos, o solicitante deberá xuntar o documento acreditativo do título de doutor, en formato dixital.

3. Onde debo cumprimentar o CV?

O CV debe cumprimentarse no modelo dispoñible na aplicación de ACSUG. Unha vez cuberto na aplicación de ACSUG non será preciso subilo ao rexistro. Só se valorarán os méritos que aparezan cubertos deste xeito no currículo. No caso de que un mérito sexa susceptible de ser incluído en distintas epígrafes do currículo, o interesado elixirá o lugar onde desexa que aquel sexa valorado.

Cabe apuntar que o CV da aplicación está aberto todo o ano, de xeito que a persoa solicitante pode cubrir e actualizar o mesmo en calquera momento.

Existen dúas formas de acceder á aplicación de acreditación dende a nosa páxina web de ACSUG

- a) A través do menú de profesorado – acreditación previa á contratación
- b) Dende o link de "convocatorias abertas" na portada da páxina principal

4. Como se debe presentar a documentación xustificativa dos méritos alegados no currículo?

A documentación xustificativa debe presentarse na sede electrónica da Xunta de Galicia. A forma máis axeitada de presentala é agrupando a documentación coa mesma orde estrutura na que se divide o currículo da aplicación informática da ACSUG. O obxectivo é que o avaliador poida localizar de forma clara e rápida os xustificantes dos méritos a medida que os avalía na aplicación.

Esta agrupación pode facerse ben dentro dun documento PDF que, se o tamaño o permite, deberá presentarse na Sede Electrónica da Xunta de Galicia, ou ben pode facerse estruturando os mérito dentro de carpetas se se decide presentar esta documentación separadamente nun CD-ROM ou DVD.

A información actualizada sobre o tamaño máximo, os formatos admitidos así como as instrucións para presentar documentación de gran tamaño, pode consultarse na sede electrónica da Xunta de Galicia: <https://sede.xunta.gal/axuda/como-podo>

No caso de que algún dos documentos que se presente de forma electrónica supere os tamaños máximos establecidos ou teña un formato non admitido pola sede electrónica da Xunta de Galicia, presentárase de xeito presencial (nos rexistros administrativos ou en correos a través de 'sobre aberto') dentro dos prazos previstos para a presentación de solicitudes. Neste caso deberase indicar o código e o órgano responsable do procedemento, o número de rexistro de entrada da solicitude e o número de expediente, se se dispón del. Recoméndase neste sentido que, coa instancia de presentación dos méritos se achegue o resgardo da presentación da solicitude electrónica xerado na sede. Recórdase que, cando a presentación da documentación xustificativa se faga de xeito presencial, esta terá que achegarse en formato electrónico (CD-ROM, DVD). Non se admitirá a documentación que se presente en papel.

5. Existen prazos concretos para a presentación dos documentos necesarios para ser avaliado?

As datas e prazos de entrega de documentación virán determinados en cada convocatoria, xa que non se trata de convocatorias abertas.

É importante destacar que non se poderá presentar documentación xustificativa dos méritos unha vez pechado o prazo de presentación de solicitudes, xa que estes non serán tidos en conta.

6. Como fago o pagamento das taxas e cal e o seu importe?

Os datos actualizados relativos ao xeito de cubrir o formulario e facer o pagamento das taxas atópanse no seguinte enlace, da páxina web de ACSUG: <http://www.acsug.es/gl/acsug/taxas>.

7. Canto tempo tardará a ACSUG en resolver a miña solicitude?

A ACSUG resolverá as solicitudes nun prazo máximo de cinco meses dende o peche do prazo da convocatoria.

8. **Como fago se non estou de acordo coa avaliación recibida?**

Os acordos adoptados pola CGIACA esgotan a vía administrativa polo que, de conformidade co disposto no artigo 123 da Lei 39/2015, poderán ser recorridos en reposición ante o mesmo órgano que os ditou ou ser impugnados directamente perante a xurisdición contencioso-administrativa, consonte ao disposto na Lei 29/1998, do 13 de xullo, reguladora da xurisdición contencioso-administrativa.

Quen desexe interpoñer un recurso de reposición poderá facelo empregando un formulario facilitado na mesma aplicación informática na que se formalizou a súa solicitude. Este formulario, unha vez cuberto telematicamente, deberá asinarse e presentarse na sede electrónica da Xunta de Galicia.

9. **Que é a validación automática da solicitude?**

A validación automática supón que o expediente non será sometido a avaliación e obterá automaticamente a avaliación positiva nos seguintes supostos:

A pertenza ao corpo de catedráticos de universidade e profesores titulares de universidade ou a situación administrativa e académica de atoparse acreditado para estes corpos, implicará a cualificación automática para poder ser contratado polas universidades de Galicia como profesorado contratado doutor, axudante doutor e de universidade privada.

A obtención da avaliación positiva da ACSUG para a figura de profesorado contratado doutor implicará a cualificación automática para poder ser contratado polas universidades de Galicia nas figuras de profesorado de universidade privada e axudante doutor.

A avaliación positiva obtida na ANECA implicará a cualificación automática para poder ser contratado polas universidades de Galicia, nas figuras en que se obtivesen a avaliación positiva.